



CH-7144 Vella, 12/06/2015

Novitads dalla suprastonza communal

Sendas da viandar Suraua

La suprastonza communal ha decidiu da far la signalisaziun dallas sendas da viandar el vischinadi da Suraua. Il cantun sustegn il project cun ina contribuziun finanziaria.

Lingias via cantunala Vella

Igl uffeci da construcziun bassa sanescha la via cantunala tras Vella. En quei connex vegnan era lingias dil aquaduct e dalla canalisaziun renovadas.

Via Sut Gassa Lumbrein

Il project per sanar la Via Sut Gassa a Lumbrein vegn realisau cun introducir ina procedura da perimeter. Ils directamein pertuccai vegnan orientai a caschun d'ina sera d'informaziun.

Hotel sigl areal dalla piazza da sport Bual a Vella

La suprastonza communal ha definau ses representants ellas gruppas da lavur per il project dil hotel a Bual suandontamein:

Gruppa da lavur dalla vischnaunca: Primus Cavegn, Clemens Arpagaus, Daniel Solèr
Gruppa uniuns/gruppaziuns d'interess: Ronnie Caminada, Elisabeth Lorez, Martin Capaul
Gruppa turissem mistregn: Curdin Capeder, Gioni Capaul
Gruppa directiva dil project: Duri Blumenthal

Midada dil reglament per diever da stabiliments communal

La suprastonza communal ha revediu igl artechel 13² dil reglament per diever da stabiliments communal. Da niev restan las localitads els loghens cun menaschi da scola serradas per il diever regular mo 2 jamnas duront la stad enstagl duront igl entir temps da vacanzas.

Gruppa da giug per affons pigns a Cumbel

La suprastonza communal ha decidiu da serrar giu ina cuvegna da prestaziun cun la gruppa da giug per affons pigns da Glion per menar vinavon la gruppa da giug a Cumbel. Quei sunter ch'igl ei buca reussiu d'anflar ina menadra enteifer nossa vischnaunca. La vischnaunca surprena cuosts da CHF 2'000 per quei survetsch. La cuvegna vala per igl onn da scola 2015/2016.

Moloks a Lumbrein

El vitg da Lumbrein ei vegniu installau moloks per rimnar rumien da casa.

Anterior stan da sittar a Lumbrein

Igl object digl anterior stan a Lumbrein vegn vendius a Luis Gartmann-Capaul. Igl indrez dall'electronica surprena l'uniun da tiradurs Vrin.

Sustegn Open Air Lumnezia SA

En connex cun la nova lescha turistica vegn il sustegn finanziel da Lumnezia Turissem alla Open Air Lumnezia SA transferius sin la vischnaunca. La suprastonza communal ha fixau siu sustegn per 2015 en ina cuvegna da prestaziun. Tier il sustegn setracta ei d'ina summa da CHF 30'000 che vegn finanziada cun daners ord taxas da hosps, ina contribuziun da vischnaunca da CHF 20'000 ord mieds generals ed in emprest senza tscheins da CHF 20'000. Vinavon surprena la vischnaunca prestaziuns da lavur entras luvriers communal. Da niev organisescha la vischnaunca era igl emprest dil material dalla Open Air Lumnezia SA.

Bike Marathon Lumnezia – Sursaissa

La vischnaunca sustegn l'occurrentza dil Bike Marathon 2015 cun la summa da CHF 2'000.

SST Surselva

La suprastonza communal decida da sustener il team da sport da neiv Surselva cun ina contribuziun da CHF 1'000.